



819

Sarajevo, 2. 4. 2019. god.
Broj: 01-685 /19

Skupština Kantona Sarajevo
Predsjedavajući Elmedin Konaković
Reisa DŽ. Čauševića 1
Sarajevo

Predmet: Odgovor na zastupničko pitanje

Poštovani,

Na Petoj radnoj sjednici Skupštine Kantona Sarajevo, održanoj dana 27. 2. 2019. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnica Arijana Memić postavila je sljedeće zastupničko pitanje:

„Molim da mi se dostavi informacija da li su radnici koji su primljeni u radni odnos u 2018. godini i 2019. godini, primani na jedno radno mjesto, a nakon zasnivanja radnog odnosa, raspoređeni i potpisali ugovore na druge radne pozicije, koje nisu bili predmeti raspisanih konkursa ili eventualne saglasnosti za popunu tih radnih mjesta.“

Odgovor

U vezi sa postavljenim pitanjima uvažene zastupnice Arijane Memić dajemo sljedeći odgovor:

Najprije želimo naglasiti da je za sva popunjena radna mjesta u 2018. godini nadležno Ministarstvo i Vlada KS dala saglasnost prema kojima je postupano, i to saglasnost broj 11/05-38-27692/17 od 07.02.2018. i saglasnost broj 02-05-30843-34/18 od 31. 8. 2018. Treba napomenuti i to da je Vlada Kantona Sarajevo dala suglasnost za popunjavanje šest mjesta na neodređeno vrijeme ali da je kvalitetnom raspodjelom radnih zaposleno samo četiri osobe čime je napravljena ušteda u iznosu od više od 30.000,00 KM na nivou godine.

U vezi sa postavljenim pitanjem ističemo da su svi zaposleni radnici primljeni na radno mjesto za koje je postojala odgovarajuća saglasnost Vlade KS i potpisali ugovore za navedena radna mjesta.

Nakon izmjene Pravilnika o sistematizaciji došlo je do određenih preraspodjela radnika u svrhu kvalitetnije organizacije rada i boljeg poslovanja JU „Studentski centar“ Sarajevo ali su one bile minimalne i preraspodjela se odnosila na radna mjesta sa stručnom spremom koju posjeduje zaposlenik.

Primjer takve preraspodjele je radno mjesto koje je otvoreno nakon otvaranja studentskog hotela za mlade u prostoru ŽIS-a koje je dato JU „Studentski centar“ Sarajevo na korištenje. Nakon što je radno mjesto otvoreno, a u cilju da se ne poveća ukupan broj radnih mjesta izvršena je analiza dosjea svih zaposlenih radnika i utvrđeno je da samo jedan radnik ima završen PMF – smjer geografija u koje spada i turizam, te je navedeni radnik preraspoređen na navedeno radno mjesto za koje kako je ranije


navedeno jedini ima odgovarajuću stručnu spremu. Jedini drugi način za popunu ovog radnog mjesta je bilo zapošljavanje novog radnika sa odgovarajućom stručnom spremom što bi proizvelo nove troškove za JU „Studentski centar“ Sarajevo u iznosu od više od 20.000,00 KM.

U svakoj preraspodjeli koja se radi u skladu sa važećim propisima detaljno se izvrši analiza dosjea i preraspodjela se izvrši u najkvalitetnijim kadrovima, a sve sa ciljem boljeg i kvalitetnijeg poslovanja. Također, potrebno je istaknuti da je u izradi novi Pravilnik koji predviđa da svaka preraspodjela predviđa interni konkurs a sve sa ciljem transparentnijeg poslovanja.

I ovdje želimo napomenuti da je inspekcija rada izvršila više inspekcijskih nadzora koji se odnose na preraspodjele radnika i da nije našla nijednu zamjerku.

Dostaviti:

- Naslovu
- a/a



Direktor

Tarik Curić, mr. oec